

Տիգրանակերտը Նիզիբից (Մծբին) 37 մղոն հեռու էր, իսկ այդ քաղաքը գտնուում է Միջագետքում, Տիգրիս գետի վրայ՝ Նինուէից 35 մղոն հեռու:

“Սուլթանիյէ շատ անգամ աւերուեց. առաջին անգամ Խոջա Րէշիդ՝ Պարսկաստանի թագաւորից, որին պատմագիրները կոչում են Գիւզան, որովհետեւ նա ապստամբել էր եւ զէնք էր վեր առել այդ թագաւորի դէմ. ապա Թիմուրլէնկն աւերեց: Իսմայէլ Սօֆիի նախորդները, սկսեալ հիճրէյի 700 թուականից, այն է 1300ից, մի քանի ժամանակ այդտեղ հաստատեցին իրանց բնակութիւնը. եւ ասում են, որ մի քանի դար առաջ, Հայաստանի վերջին թագաւորներն այդտեղ էին հաստատել իրանց արքունիքը, եւ նրանց ժամանակին չորս հարիւրից աւելի եկեղեցիներ կային: Այդ եկեղեցիների շատերի աւերակները դեռ տեսնուում են, բայց ամբողջ մնացած մի հատ չկայ, եւ ոչ եւս մի հատ քրիստոնէայ է բնակուում այդտեղ:”

Մի այլ հեղինակ՝ Ադամ Օլէարիոս, որ ճանապարհորդեց Պարսկաստան 1633—1639 թուին՝ ուրեմն Շարդէնից առաջ, ահա ինչ է գրում:

“Սուլթանիյէ քաղաքը հեռուից շատ գեղեցիկ է երեւում” մի քանի սիրուն շինութիւնների, բազմաթիւ զանգակատների՝ եւ մեծ սիւնների պատճառով, բայց ներսից բոլորովին անապատ է, եւ բոլոր պարիսպները քանդուած են: Առաջ, նա Պարսկաստանի ամենամեծ եւ գեղեցիկ քաղաքներից մինն էր եւ կէս մղոնից աւելի երկայնութիւն ու-

1 Արդեօք Օլէարիոսի ժամանակ դեռ կանգուն էին եկեղեցիների զանգակատները, թէ՛ զանգակատուն ասելով հասկանում է մինարէները. չգիտենք, հասանալիս է վերջին ենթադրութիւնը:

Ժան. Թարգմ.